

JASMIN DUVNJAK

Drugo pitanje je vezano za dobrovoljne davaoce krvi. Ja bih ... iskoristit ću priliku u svoje ime, nadam se u ime svih vas, da odam ovako jednu javnu počast i zahvalnost svima onima koji su dobrovoljni davaoci krvi. Postoji federalni Zakon o krvi, čini mi se o krvi i krvnim derivatima, je li tako, da se zove, i tamo između ostalog ima i ta neka pozicija i određeni benefiti. Mene konkretno interesuje, dakle, o propisima Zeničko-dobojskog kantona, a naravno direktnoj vezi sa federalnim propisima, ovaj, koje sve benefite i koje sve privilegije i koje su to uslovno kazano osim one humanosti najvažnije, plemenitosti, altruizma dajući kapi koje život znače imaju dobrovoljni davaoci krvi u Zeničko-dobojskom kantonu? Dakle, ovo je pitanje i za Ministarstvo zdravstva i za Zavod zdravstvenog osiguranja. S obzirom da evo npr. u susjednoj Republici Hrvatskoj imamo informaciju da muškarac koji daje krv sto i više puta, žena koja daje krv, ne znam, 70 i više puta, da lično biva odlikovan nagradom predsjednika odnosno predsjednice Republike Hrvatske. Mene sad zanima, koliko smo mi u Bosni i Hercegovini, a konkretno u Zeničko-dobojskom kantonu osjetljivi, senzibilni, empatični ili kako god hoćete i koliko vrijedujemo ovaj jedan altruizam i ovu jednu plemenitost koju ne možete nikakvim novcem platiti? Dakle, ne možete nikakvim novcem platiti značaj krvi i značaj, dakle, za ... za jednostavno spašavanje ljudskih života. I evo od mene dakle pitanje, koje su eventualno te neke privilegije ili ... ili ... ili barem da se ne dešava da ljudi koji su možda 50 i više puta dobrovoljni davaoci krvi, pa onda ne znam iz nekih okolnosti, pa da imaju problema ne znam, ovaj, kod nekih ... u nekim banalnim situacijama i okolnostima kad su u pitanju usluge u zdravstvenim ustanovama? Dakle, volio bih da se uradi registar dobrovoljnih davalaca krvi i da se jasno zna koja su to njihova prava i koje su to njihove da kažem hajde dobiti. To ljudi rade iz altruizma, iz plemenitosti, ali mislim kao društvo trebali bi da im iskažemo jednu zahvalnost i na ovaj način i jedno ... jedno vrijednovanje.